

ГАДААДЫН ИРГЭН, ХАРЬАТЫН ГАЗРЫН ЗҮҮН БҮС ДЭХ ГАЗАР

2018 ОНЫ НАЙМДУГААР САРЫН ҮЙЛ АЖИЛЛАГААНЫ ТАЙЛАН

2018 оны 08 дүгээр сарын 25

Дорнод аймаг

Тус газар нь Гадаадын иргэний эрх зүйн байдлын тухай хууль, Байгууллагын даргын 2017 оны А/441 дүгээр тушаалаар баталсан “Хөдөлмөрийн дотоод журам”, А/170 дугаар тушаалаар баталсан “Гадаадын иргэн, харьяатын газрын орон нутаг дахь газрын ажиллах журам” болон бусад хууль, тогтоомжид нийцүүлэн 04 дүгээр сарын 26-ны өдрөөс 05 дүгээр сарын 25-ны өдрийг хүртэл дараах ажлыг хийж гүйцэтгэлээ.

Тайлант хугацаанд Бүсийн газрын дарга Д.Давааням, Сүхбаатар аймаг дахь хэлтсийн дарга Х.Ургаа, Хэнтий аймаг дахь ахлах мэргэжилтэн Д.Дэлэг, жолооч Т.Алтанпүрэв нар 2018 оны ээлжийн амралтаа эдэлсэн.

Байгууллагын даргын Б/215 тоот тушаалаар 8 дугаар сарын 06-ны өдрөөс бүсийн газрын жолооч Т.Баярсайханы хөдөлмөрийн гэрээг цуцалж, мөн даргын Б/219 тушаалаар Б.Ренчиндоржийг бүсийн газарт жолоочоор 8 дугаар сарын 6-ны өдрөөс, Б/225 тушаалаар Л.Бархасбадийг мэргэжилтнээр 8 дугаар сарын 9-ний өдрөөс тус тус томилсныг хэргэжүүлэн ажиллаж байна.

Нэг. Захиргаа, удирдлага

Захиргааны акт: Тайлангийн хугацаанд Бүсийн газрын дарга ээлжийн амралттай байгаа тул ямар нэгэн тушаал, акт гараагүй.

Байгууллагын даргын баталсан удирдлага зохион байгуулалтын А/263 тоот “Хилийн боомтод сансарын холбооны суурин утас ашиглуулах тухай”, А/269 тоот “Сүлжээний доголдол гарсан үед ажиллах тухай”, А/275 тоот “Наймдугаар сарын ур чадварын нэмэгдэл олгох тухай”, хүний нөөц боловсон хүчинтэй холбоотой Б/215 тоот “Т.Баярсайханы хөдөлмөрийн гэрээг цуцлах тухай”, Б/219 тоот “Б.Ренчиндоржийг ажилд томилох тухай”, Б/225 тоот “Л.Бархасбадийг мэргэжилтнээр томилох тухай” тушаал, шийдвэрийг тус тус хүлээн авч хэрэгжүүлсэн.

Төвөөс ирүүлсэн үүрэг, чиглэлийн дагуу Тамгын газарт хагас жилээс хойш сахилга хариуцлага, дэг журмыг чангатгах талаар хийсэн ажлын тайлан, төрийн одон медальтай албан хаагч нарын судалгаа, 2018 онд сургалтанд хамрагдсан албан хаагчдын судалгаа, төрийн үйлчилгээний албан хаагч нарын 8 дугаар сарын

ур чадварын нэмэгдэл олгуулах санал, өргөдөл гомдлын мэдээний хамт, Боомт орон нутгийн хэлтэст хилийн бүсийн газрын 7 дугаар сарын үйл ажиллагааны тайлан, төлөвлөгөөний биелэлт, мөн сарын инфо мэдээ, Бүсийн даргын Үр дүнгийн гэрээний долоодугаар сарын биелэлт, 8 дугаар сарын төлөвлөгөө, Байгууллагын даргын гаргасан албан даалгаваруудын биелэлтийг тус тус гаргаж “и оффис” хаягаар хүргүүлсэн.

Мөн Байгууллагын даргын 2018 оны 06 сарын 14-ний өдөр баталсан Гадаадын иргэн, харьяатын газрын “Хөдөлмөрийн аюулгүй байдал, эрүүл ахуйн зааварчилгаатай танилцсан тухай баталгааг тус газрын нийт 29-н албан хаагчаас, шинээр томилогдсон 2 албан хаагчаас “Төрийн болон байгууллагын нууцыг задруулахгүй байх баталгаа”-г тус тус авч ажилласан байна.

Уулзалт, зөвлөгөөн: Бүсийн хяналтын улсын ахлах байцаагч Б.Эрдэнэтуяа Дорнод аймгийн “Удирдах ажилтны шуурхай хуралдаан”-д 3 удаа суусан.

БНХАУ-н ӨМӨЗО-ны Шилийн гол аймаг, Тунглюю, Улаанхад хот хоорондын бүс нутгийн хамтын ажиллагааны 4 дүгээр чуулга уулзалтанд 8 дугаар сарын 4-ний өдөр ахлах байцаагч Б.Эрдэнэтуяа байгууллага төлөөлөн оролцсон.

Бусад байгууллагатай хамтран ажиллах хүрээнд:

Дорнод аймгийн “Баяндун” сумын Засаг дарга Х.Хүрэлчулуунаас ирүүлсэн №1/381 албан хүсэлтийн дагуу тус сумын нутагт уурхайн үйл ажиллагаа явуулж байгаа “Про Аурум” ХХК, “ММЛ” ХХК-нуудад хамтран хяналт шалгалтыг хийж хариуг 2018.08.21-ны өдрийн 17/ 203 тоот албан бичгээр,

Дорнод аймгийн Хөдөлмөр, халамжийн үйлчилгээний газрын дарга Н.Мөнхгэрэлийн 2018.08.10-ны өдөр ирүүлсэн №1/496 албан хүсэлтийн дагуу Матад суманд үйл ажиллагаа явуулдаг “СПЕК” ХХК-нд хяналт шалгалтыг хийж, хариуг 2018.08.21-ны өдрийн 17/ 202 тоот албан бичгээр өгч хамтран ажиллаа.

Олон нийтийн чиглэлээр: Чойбалсан хотын 80 жилийн ойтой холбогдуулан гаргасан Хэрлэн сумын Засаг даргын 07 дугаар сарын 31-ний өдрийн А/247 дугаар “Үүрэг чиглэл өгөх тухай, А/248 дугаар “Бүх нийтийн их цэвэрлэгээ зохион байгуулах тухай” захирамжийн хүрээнд 08 дугаар сарын 20-ний өдөр цэвэрлэгээ зохион байгууллаа. Цэвэрлэгээнд байгууллагаас Бүсийн төвд ажиллаж байгаа 12 албан хаагч оролцож хувиарт газар болох одоогийн байрлаж байгаа “Дорнод их сургууль”-н хашааны зүүн талаас хуучин журмын хашааны баруун булан хүртэлх замын 2 тал болоод ойр орчны 50м газрын зам талбайн хог хаягдал, зэрлэг шарилжыг зулгаан цэвэрлэсэн.

Сургалт, цугларалт: Энэ сард албан хаагч нар хамрагдсан, зохиогдсон сургалт байхгүй.

Ирсэн бичиг: Гадаадын иргэн харьяатын газраас 2, бусад байгууллагаас 7 нийт 9 албан бичиг ирж, үүнээс хариутай 7 албан бичгийн хариуг хуулийн хугацаанд өгч шийдвэрлэсэн.

Явсан бичиг: Гадаадын иргэн, харьяатын газарт 3, бусад байгууллагад 11 нийт 14 албан бичиг явуулж үйл ажиллагаатай холбоотой мэдээлэл, албан бичгийн хариуг хүргэж ажилласан.

Өргөдөл: Албан хаагчдаас – Хувийн чөлөө хүссэн 2, хилийн боомтоос очиж эмнэлэгт үзүүлэх хүсэлт гаргасан 1, нийт 3 өргөдөл хүлээн авч журмын дагуу шийдвэрлэсэн.

Иргэнээс – Тус сард иргэнээс гаргасан өргөдөл гомдол байхгүй.

Санхүү, хөрөнгө оруулалтын талаар: 2018 оны 8 дугаар сард 37,812,500.00 төгрөгийн санхүүжилтийг авсан. Үүнээс 38,232,987.95 төгрөгийн зарлагын гүйлгээг батлагдсан төсвийн хүрээнд зориулалтын дагуу хийж гүйцэтгэсэн.

2018 оны 07 дугаар сарын төсвийн гүйцэтгэлийн тайлангаар 291,071,800.00 төгрөгийн санхүүжилт, 255,358,973.42 төгрөгийн гүйцэтгэлтэй, 35,812,826.58 төгрөгийн үлдэгдэлтэй гарсаныг газрын даргаар баталгаажуулан аймгийн төрийн сан болон ГИХГ-ын санхүү, хөрөнгө оруулалтын хэлтэст хуулийн хугацаанд хүргүүлж ажилласан.

Хяналтын улсын байцаагч болон боомтын визийн хуудасны 07 дугаар сарын тайлангаар улсын тэмдэгтийн хураамж орлогод 8,864,000.00 төгрөг, хүү, торгуулийн орлогод 730,000.00 төгрөгийг тус тус төвлөрүүлсэн байна.

06 дугаар сарын цалин хөлсний нийгмийн даатгалын тайлан нь нийт 29 албан хаагчдын 31,963,042.73 цалин, ногдол 7,290,394.39 төгрөг гарсныг нийгмийн даатгалын санд шилжүүлж, цахимаар шивж цаасаар баталгаажуулсан.

Шилэн дансны хуулийг хэрэгжүүлж шинэчлэгдсэн сайтанд 2018 оны 1-7 дугаар сарын нийт 84 мэдээллийг хуулийн хугацаанд шивж, 100% гарсныг баталгаажуулан Дүн шинжилгээ, дотоод аудитын хэлтэст хүргүүлсэн.

Сар бүр санхүүгийн ил тод байдлын самбарын мэдээллийг шинэчлэн албан хаагчдыг санхүүгийн мэдээллээр ханган ажиллаж байна.

Нярав, эд, хөрөнгө, хангалтын талаар: 07 дугаар сарын 30-ны өдрөөр тасалбар болгон бараа материалын тайлан болон шатахууны тооцоо “ДБЭХС”, “Цахилгаан холбоо”, “Монгол шуудан”, “Дорнод их сургууль”, “Ольхон” “НИК”, “Санчир гэрэлтэх”, ХХК -тай тулгалтыг хийж тооцоо нийлсэн акт үйлдэн ажиллаа. Мөн Бүсийн газрын автомашины зам/км, шатахууны тайланг гарган, жолооч Т.Алтанпүрэв, Б.Лхагвадорж нартай тооцооны хуудсыг тулган, тайланг нэгтэж ажилласан.

“ДБЭХС”, “Цахилгаан холбоо”, “Монгол шуудан”, “Мэдээлэл холбоо” “НИК”, “Санчир гэрэлтэх”, “Сэржбумба” “ДБД” ХХК-аар НӨАТ-н 2374034.00 төгрөгийн тайланг шивүүлээд байна.

Хангалт үйлчилгээний газраас ирүүлсэн албан хаагч нарын нормын хувцас Футболк 7 ширхэг, хар цамц 54 ширхэгийг тоо ёсоор нь хүлээн авч албан хаагч нарт захиалгын дагуу хүлээлгэн өгч өгсөн картжуулан ажилласан.

Ажиллаас чөлөөлөгдсөн Виз зөвшөөрлийн ахлах мэргэжилтэн Б.Одхүүгээс нормын хувцасыг картын дагуу буцаан хүлээн авсан.

Мөн эрүүл мэндийн шалтгааны улмаас чөлөөлөгдсөн жолооч Т.Баярсайханаас 8 дугаар сарын 07-ны өдөр 75-55 ДОА, 65-99 ДОА улсын дугаартай автомашинуудыг техникын комиссын хамт хүлээж авч шинээр томилогдсон жолооч Б.Ренчиндожид хүлээлгэн өгсөн.

Баянхошуу боомтод визийн хуудас 300 ширхэг, визийн анкет маягт1 300 ширхэгийг олгосон.

Хяналтын улсын байцаагч З.Өлзийбаяр нь шилжих болсонтой холбогдуулан шийтгэвэрийн хуудас маягт1-г 10 ширхэг, шийтгэлийн хуудас маягт 250 ширхэгийг буцааж хүлээн авсан.

Мэдээлэл, технологийн чиглэлээр: 07 дугаар сарын 25-ны өдрөөс 08 дугаар сарын 24-ны өдрийг дуустал Бүсийн газар болон харьяа хилийн боомтуудын сүлжээнд хяналт тавьж, ISM систем гарсан зөрчилгүй хэвийн ажилласан.

Хяналтын улсын байцаагч Д.Мөнхбаяр, мэргэжилтэн Б.Одмаа нарын “ISM” програмын шилжүүлэх эрхийг бүртгэн авч, мэдээллийн технологийн хэлтэст танилцуулан тус програмын эрхийг шилжүүлсэн.

Eset endpoint security антивирусы програмыг хилийн боомтуудын нийт 10 компьютеруудад 08 дугаар сарын шинэчлэлтийг хийж хортой кодоос урьдчилан сэргийлсэн.

Immigration.gov.mn сайтын “Зүүн бүс дэх газар” цэсэнд 07 дугаар сарын тайлан, төлөвлөгөөний биелэлт, 08 дугаар сарын төлөвлөгөөг өргөдөл гомдлын мэдээний хамт шинэчлэн оруулсан.

Монгол Улсад анх удаа хөдөлмөр эрхлэхээр ирсэн болон албадан гаргагдаж байгаа нийт 61 гадаадын иргэний хурууны хээг “Transient card system” програмаар бүртгэн авч, мэдээллийн баазад оруулсан.

Ульхан, Эрээнцав, Баянхошуу, Сүмбэр, Бичигт боомтуудад сансрын холбооны суурин утсыг суурьлуулж ашиглалтад оруулан албан хэрэгцээнд ашиглаж байна.

Баянхошуу боомтын хурууний хээний зөөврийн компьютерийг бүсийн газарт авчруулан форматлан, системийн алдааг засварлаж хэвийн ажиллагаанд оруулсан. Бичигт боомтын хурууны хээний зөөврийн компьютерийн системийн алдааг мэргэжилтэн Х.Тайванбаатартай хамтран засварлаж хэвийн ажиллагаанд оруулсан. Эрээнцав боомтын сансрын холбооны суурин утас гаднаас дуудлага авахгүй гэмтэлтэй байсныг мэргэжилтэн Г.Намуунзаяатай хамтран засварлаж хэвийн ажиллагаанд оруулсан. Ульхан боомтын сансрын холбооны суурин утас сүлжээнд холбогдохгүй байсныг “Монвсат нэтворк” ХХК-тай хамтран засварлаж хэвийн ажиллагаанд оруулсан.

Видео бичлэгийг 6 ширхэг DVD дискэнд хуулбарлан Хяналтын улсын ахлах байцаагч Б.Эрдэнэтуяад хүлээлгэн өгсөн.

Хилийн боомтуудын Хяналтын улсын байцаагч болон мэргэжилтэн нарт сүлжээ, “ISM” програм болон компьютер техникийн 5 удаагийн зөвлөгөө өгч Бүсийн газрын “Гадаадын иргэн, харьяатын газрын Зүүн бүс дэх газар” нэртэй фэйсбүүк хуудасын админаар ажиллаж, 3 удаагийн мэдээ мэдээлэл шинэчлэн оруулж, одоогоор 610 дагагчтай ажиллаж байна.

Хоёр: Виз, зөвшөөрлийн чиглэлээр

Тайлант хугацаанд ОХУ-д гарцтай Ульхан, Эрээнцав, БНХАУ-д гарцтай авто замын Хавирга, Баянхошуу, Сүмбэр, Бичигт боомтуудаар нийт 8792 гадаадын иргэн улсын хилээр нэвтэрснээс орох чиглэлд 4646 гадаадын иргэн, гарах чиглэлд 4146 гадаадын иргэн нэвтэрсэн байна.

Бичигт, Сүмбэр, Баянхошуу, Хавирга боомтуудаар ХОНДЗҮ-ээр зорчсон БНХАУ-ын 488 иргэнийг бүртгэн, 506 иргэнд хасалт хийсэн.

Бүсийн газар түүний харьяа хилийн боомтуудад БНХАУ-ын 177 иргэнд зохих ангилал, зориулалтын дагуу визийг олгосон. Үүнд:

- “**НГ**” ангиллын визийг **55** иргэнд олгосон байна. Үүнээс:
 - Нэг удаагийн “орох” зориулалттай виз – 5 /ЭСЯ, ДТГ-аас алдаатай олгогдсон визийг хүчингүй болгож, шинээр олгосон/
 - Нэг удаагийн “гарах-орох” зориулалттай виз -7
 - Хоёр удаагийн “гарах-орох” зориулалттай виз -4
 - Олон удаагийн “гарах-орох” зориулалттай виз -14
 - Визийн шилжүүлэг- 25;
- “**В**” ангиллын визийг Виз, зөвшөөрлийн газраас олгосон визийн зөвшөөрлийн дагуу **4** иргэнд олгосон. Үүнээс
 - Нэг удаагийн “орох” зориулалттай виз -3
 - Олон удаагийн “орох” зориулалттай виз- 1
 - Визийн шилжүүлэг- 1 иргэнд;
- “**Т**” ангиллын олон удаагийн “гарах-орох” зориулалттай виз -**1**;
- “**Н**” ангиллын нэг удаагийн “гарах-орох” зориулалттай виз -**2**;
- “**Ж**” ангилалын визийг Виз, зөвшөөрлийн газраас олгосон визийн зөвшөөрлийн дагуу **114** иргэнд олгосон. Үүнээс
 - Нэг удаагийн “орох” зориулалттай виз **23** иргэнд
 - Хоёр удаагийн “орох” зориулалттай виз **91** иргэнд

тус тус олгож ажиллалаа.

Монгол Улсад үйл ажиллагаа явуулж буй 4 аж ахуйн нэгжийн хүсэлтийн дагуу НГ ангиллын орох визээр орж ирсэн БНХАУ-ын 40 иргэн, визийн сунгалт хийлгэсэн 8 иргэнийг түр ирэгчээр бүртгэсэн. Мөн зөрчил гаргасан 10 иргэнийг түр ирэгчээр бүртгэж, 12 иргэнд хасалт хийсэн байна. Бүсийн хэмжээнд нийт түр ирэгчээр 58 иргэнийг бүртгэж, 12 иргэнд хасалт хийсэн байна.

2 аж ахуйн нэгжийн хүсэлтийн дагуу нийт 2 иргэний НГ ангиллын оршин суух зөвшөөрөлд хасалт хийсэн. /ОСЗ хасалт нийт-2/

Хилийн боомтод Консулын газраас визийн хүчинтэй хугацаа алдаатай олгогдсон БНХАУ-ын 81 иргэний визийн алдааг бүртгэн авч хилээр нэвтрүүлсэн. Мөн ЭСЯ, ДТГазраас алдаатай олгосон буюу визэнд засвар хийж баталгаажуулсан 5 виз, Зүүн бүс дэх газраас алдаатай олгосон 1 визийг хүчингүй болгож, нийт 6 виз шинээр олгосон. Дээрхээс бусад шалтгаанаар буюу Засгийн газрын 2018 оны 145 дугаар тогтоолоор батлагдсан “Монгол Улсын виз олгох журам” –ын 5.2.7 дахь заалтыг үндэслэн БНХАУ-ын 1 иргэний олон удаагийн “орох” зориулалтын визийг хүчингүй болгосон /Баянхошуу боомт/.

Хилийн боомтод 1 удаагийн “орох” зориулалтын визийн зөвшөөрөл авах хүсэлт гаргасан 2 аж ахуйн нэгж, байгууллагын хүсэлтийг хүлээн авч, материалын бүрдлийг ханган Виз, зөвшөөрлийн газарт явуулж шийдвэрлүүлсэн.

Монгол Улсад цагаач хэлбэрээр оршин суудаг БНХАУ-ын 1 иргэн, GB-1 хэлбэрээр оршин суудаг БНХАУ-ын 1 иргэн, нийт 2 иргэний оршин суух зөвшөөрөл сунгуулах хүсэлт гаргасан материалыг хүлээн авч илтгэх хуудсын хамтаар Виз, зөвшөөрлийн газарт явуулсан.

Баянхошуу боомт БНХАУ-ын 2 иргэн, Бичигт боомт БНХАУ-ын 35 иргэн, Бүсийн төвд БНХАУ-ын 61 иргэн, нийт 98 иргэний зураг хурууны хээг авч “Transient card system” програмаар бүртгэн, мэдээллийн баазад оруулсан.

Гурав: Хяналт шалгалтын чиглэлээр

ГИХГ-ын Зүүн бүс дэх газар нь тайлангийн хугацаанд Байгууллагын даргын УБ-02/2018-007, бүсийн газрын дарга болон хяналтын улсын ахлах байцаагчийн №17/02-201828-17/02-201831 тоот удирдамжийн дагуу төлөвлөгөөт 2, төлөвлөгөөт бус 3, нийт 5 удаагийн хяналт шалгалтыг хийж гүйцэтгэсэн.

Төлөвлөгөөт хяналт шалгалтаар 2 аж ахуй нэгжийн гадаадын 13 иргэн хамрагдаж, 9 зөрчлийг илрүүлж, БНХАУ-ын 9 иргэнд 2,340.000.0 /хоёр сая дөрвөн зуун дөчин мянга/-н төгрөгийн торгууль ногдуулж, БНХАУ-ын 6 иргэнийг Монгол Улсаас албадан гаргасан.

Төлөвлөгөөт бус хяналт шалгалтаар 8 аж ахуй нэгжийн, гадаадын 281 иргэн хамрагдсан боловч зөрчил илрээгүй.

Нийт хяналт шалгалтанд 10 аж ахуй нэгжийн, гадаадын 295 иргэн хамрагдсанаас 15 зөрчлийг илрүүлж, БНХАУ-ын 15 иргэнд 3,640.000.00 /гурван сая зургаан зуун дөчин мянга/-н төгрөгийн торгуулийн арга хэмжээг тус тус ногдуулсан. Үүнээс:

Байгууллагаар 3 иргэнд 790,000.00 /долоон зуун ерэн мянга/-н төгрөг, хувь хүнд 2,850,000.00 /хоёр сая найман зуун тавин мянга/-н төгрөгийн торгуулийн арга хэмжээ авч ажилласан.

БНХАУ-ын 6 иргэнийг Монгол Улсаас албадан гаргаж, БНХАУ-ын 4 иргэнийг улсын хилээр нэвтрүүлэлгүй буцааж ажиллаа.

Хил дээрээс буцаагдсан иргэдийн талаар: “Баянхошуу” боомтод ГИЭЗБТХ-ийн 22 дугаар зүйлийн 22.1.6 дах заалтыг үндэслэн /Монгол Улсад байх буцаж явах хөрөнгийн эх үүсвэрийн баталгаагүй/ БНХАУ-ын 1 иргэн;

“Хавирга” боомтод мэргэжилтэн А.Нэмэхбаяр; ГИЭЗБТХ-ийн 22 дугаар зүйлийн 22.1.6 дах заалтыг үндэслэн /Монгол Улсад байх буцаж явах хөрөнгийн эх үүсвэрийн баталгаагүй/ БНХАУ-ын 1 иргэн;

“Бичигт” боомтод хяналтын улсын байцаагч Ц.Өлзиймөнх ГИЭЗБТХ-ийн 22 дугаар зүйлийн 22.1.6 дах заалтыг үндэслэн /Монгол Улсад байх буцаж явах хөрөнгийн эх үүсвэрийн баталгаагүй/ БНХАУ-ын 2 иргэн;

Бүсийн хэмжээнд БНХАУ-ын нийт 4 иргэнийг улсын хилээр нэвтрүүлэлгүйгээр буцааж ажилласан.

Албадан гаргагдсан гадаад иргэдийн талаар: Тайлангийн хугацаанд эрх бүхий байгууллагын зөвшөөрөлгүй хөдөлмөр эрхэлсэн БНХАУ-ын 6 иргэнийг Гадаадын иргэний эрх зүйн байдлын тухай хуулийн 37.1.7 дахь хэсэг, 2010 оны Засгийн газрын 339 дүгээр тогтоолоор батлагдсан “Гадаадын иргэнийг Монгол Улсаас албадан гаргах болон Монгол Улсад дахин оруулахгүй байх хугацааг тогтоох журам”-ын 3.7 дахь заалтад заасны дагуу 3 жилийн хугацаанд Монгол Улсад дахин орох эрхгүйгээр Монгол Улсаас албадан гаргасан.

Албан даалгаврын хэрэгжилтийг ханган ажиллах талаар: Байгууллагын даргын №04 албан даалгаврын хүрээнд дараах ажлыг хийж гүйцэтгэв.

1. Улсын Ерөнхий прокурорын тушаалаар баталсан эрх зүйн хэлбэрийг зааврын дагуу үйлдэж зөрчил тус бүрд дугаарлалтыг өгч ажилласан.

2. Тайлангийн хугацаанд бүсийн төвд 13 зөрчил, Бичигт боомтод 2 зөрчлийг хялбаршуулсан журмаар хянан шийдвэрлэж, нэг материалд татгалзах протокол үйлдэж харьяа Прокурорын газрын нэгдсэн бүртгэлд бүртгүүлэн, хяналтанд оруулах ажиллагааг хугацаанд нь хийж гүйцэтгэсэн.

3. Бүсийн хэмжээнд үйл ажиллагаа явуулж буй аж ахуй нэгжүүдийн судалгааг цаасан хэлбэрээр хүлээн авч цахим судалгаанд хамруулж байна.

ЗҮҮН БҮС ДЭХ ГАЗАР